



耕餘居士詩集卷五

餘姚鄭世元黛參著

烏程門人江相星左纂

斜風細雨集

甲申先生授徒于湖州府治之西是夏遭太先生變居憂毀瘠秋得氣疾瀕死其明年以主人不盡禮遂去之仍往來茗雪間每當風雨之辰嘗誦張志和斜風細雨不須歸之句輒呼天號泣因摘其詞題集蓋自痛窮人之無所歸也摠兩年計三卷江相識

送君閭門行二首

送君閭門行手折閭門柳君停鞭我携手白花馬閭門

下馬頭莫被楊花打

送君閭門行手折閭門柳吳姬舞雙垂手玉笛送寒春

上酒君過蘇州定回首

查四濬安入都枉駕敝廬道別同吳大曾守來送  
之吳門三首

詐道相逢翻送別不能少住恰同行雞豚日暮荒村古  
牛馬風違去路長暫得僊舟親笑語遙憐客舍轉淒涼  
吳閭折柳驚分手燕市逢奔亦斷腸

大蘇供奉藜燃閣

謂夏重  
太史

小阮神明虎度河

時將由海  
東鹿任

壤雲霄輝棗萼天池雨露蔚菁莪牛衣有待從今慰狗  
監無私憶昔多莫謂時艱須努力山中妻子望如何  
深盃不放蜜如甜漏箭頻催蠟再添憂患友生同骨肉  
支離天地共髭髯聽鷄擁被三人在驅馬登山萬點尖

一到京華覓南使殘缸碎墨寫霜縑

寄懷柯雲

豐城終不掩龍光同在泥塗惜髮蒼徧性難逢人齷齪  
哀時聊借酒顛狂山妻日質羅衣供隣舍春蒸麩米香  
翠栢紅椒新獻歲山莊茅屋醉爲鄉

二月三日卽事

失律天時舛陰霾久未開况聞雷隱隱翻見雪皚皚  
理煩君相痼瘵徧草萊不知關底事持酒忽停盃

咏史十首

天地啓機緘品物盛流形王風與帝治千載遂靡寧征

誅固非法揖讓豈常經唐虞逮殷周放弑已有因嬴政恃其力六國咸入臣公然據神器席卷如飄塵胡天授強德勢有所必臻炎漢起亭長指揮定三秦尺寸一無藉帝王別有真後來英雄輩崛起非一倫在險不任德安用誇至仁稷契累功德迂論何足陳俄聞履加首漸見股大身達士識其故愚民以爲新流極下必污理在豈嘗伸胡爲執古法欲以繩今人

梁麗雖自美室穴非所長騏驥驅捕鼠不如貓狸強物貴適其性才須用之當杯水置坳堂芥可以爲航鉛刀只一割覆餗宜預防卑枝與荆棘非以棲鸞鳳仲尼爲

乘田所事止牛羊管仲囚檻車安能奏一匡賢哉展士師三黜身皇皇及其犒齊軍詞令贍且詳豫讓一人耳漆癩爲佯狂決志不反戈其身躡劍鋸何其爲智伯不如事中行由來時未遭賢愚若等量見笑鄉里兒無以辨珪璋安知君子儒養晦韜其光

自古真英雄小辱非所耻神龍隨屈伸變化無不是悻悻妄自用直是牧豎耳誠自負其才胡爲苟生死阿衡其割烹肇商六百祀說築傅巖下舟楫衆所恃五穀親養牲夷吾實囚士壯哉韓淮陰談笑無項氏方其出勝下俛首但熟視豈無腰間劍惡少何足爾小忍定大謀

懲忿有深智良能用其長且爾降其志毛公昔賣漿朱  
亥隱屠肆樂季爲傭奴衛霍亦婢子因思髡鉗流從來  
博徒裏中大有人在翹可拭目視行將適梁晉駕言往  
燕市伊傅不復作悲歌吾所企安能久鬱鬱瑣屑混鄉  
里日與膏粱兒徒然耀紈綺

漢末鈎黨起哲士遭虐劉首禍雖自下終貽君國憂兩  
晉侈清言朝士如贅疣痿痺不知病誰復傷神州清流  
盛唐季羣盜爭讎謀湯湯黃河水終古何時休北宋尚  
攻訐三黨紛啁啾訛訛實何爲曷不相同仇事君貴和  
衷背憎古所羞明衰有東林樹黨持戈矛馬阮諸私人

遂欲一網收清者雖自清何用揚其漚濁者雖自濁何  
用塞其流川壅必於潰小人毋深求馭之得其法不異  
馬與牛激之茂其惡便爲鴟與鳩賢者實使然毋徒小  
人尤從來興衰際階亂職此由

富貴何足道不如貧賤歡榮名何用馳不如愚賤安衛  
鞅爲商君車裂尸不完李斯感倉鼠哀哉東門嘆韓彭  
亦菹醢魏灌遭刑殘荀卿逞異說不得終一官韓非作  
說難囚秦被拘攣高危等棋累滿覆可鑑看妄作禍必  
及興戎言爲端胡爲後世士趨之如狂湍固寵無不至  
求名將身殫惟有有道士退勇進恒難遭逢非三季微

祿莫妄干龐公謝劉表斯人可型觀

叔孫委蛇士安得爲儒宗窺竊人主意變服希苟容妄  
欲興禮樂綿蕞誇雍雍嘉樂不野合大禮重璜琮此道  
必百年帝王所尊崇朝廷識祖德清廟揚宗功唐虞命  
夷夔所飭惟寅恭成周奏耆定建學先臨癰三王盡神  
聖斟酌不自庸胡爲習野外比謀偕兒童瘡痍未盡起  
制作胡匆匆高哉魯兩生不屑污汝通鄙哉魯諸生富  
貴榮其躬

吾敬老萊子萊嬭尤足奇吾敬孟德曜伯鸞分之空能  
謝楚王聘其智勝男兒躬耕甘清約不屑爲人羈煌煌  
千金幣誰肯力却之鴻貧爲人傭臯廡相棲遲苦節世  
所賢清風良古遺清苦雖足多彼婦安能知胡爲閨門  
內舉食必齊眷夫子實賢者敬德不少衰卓哉兩賢婦  
千載畱芳規宐乎陶淵明緬焉生嗟咨

相如題橋柱志在駟馬車鄒陽囚獄中泣上梁王書二  
子富貴人并非功名徒哀哀楊子雲竟爲莽大夫甘心  
獻符命投閣何其愚鄙哉荀文若才爲奸雄需九錫不  
忍加一死徒區區沈約實篡臣褚淵寧文夫義不顧主  
家醜顏三朝趨文章何足誇大義皆自誣繡虎與雕龍  
藝苑聲流污吁嗟後世士勿恃才有餘原本不能識所

讀誠何書吾思稽侍中頸血猶在裾吾慕陶靖節柴桑  
自荷鋤富貴不累心守節甘林間

吾笑卓王孫不如張負奇窮巷席門子豈若常侍爲智  
出一縣中往遣孫奉匱聘幣更相假酒食兼以資曲以  
全私親愛彼英雄姿相如固令客聲焰何施施昔爲梁  
王賓交遊傾一時富人多趨勢雖貧亦何辭奚待建節  
來喟然悟其遲一錢初不與終焉女視兒方其與程鄭  
爲具張多儀意乃在王式君子寧受之

雙丸如輪馳百年若電掣生遭不得志壯士五中熱壯  
士誠如何衷懷有丹血意氣蒸雲霞肝腸沁霜雪辨折  
蔡澤雄心高蘇武節惠能周孤熒謙能下毛薛秉道無  
少阿趨與俗流別庸庸金張門漢貂珥七葉抗身勿肯  
往干謁寧所屑所以泥途中鶉衣猶百結陳平居負郭  
割俎志時切賈傅感流涕有書未陳闕良驥號九坂枯  
魚嘆河竭親戚傷宴貧朋友笑迂拙悲來藉清酒商歌  
時一闕世無四公子殷懷向誰說

先慈諱日八首

哀哀我慈母生子何劬勞生子不得養便已掩蓬蒿蓬  
蒿何蘩蘩中有狐狸嗥旁有鹿與麕母引子嬉遨百物  
有天性相顧恩情牢墓門久不歸寤擗悲長號

我何以爲人負此七尺軀今人重生男生男亦何須生  
以侍色養歿以守墓廬有生苦行役但爲饑所驅蒼蒼  
者高天生我何如無高堂有老父七十白髭鬚

今日是何日有淚不得垂有酒不得奠奠之非所宜握  
酒淚自吞我心哀且思古者士無田不祭良可悲我行  
不在家我何如烝黎猶得時孝享夫婦必親之

猶幸新婦賢歲時能不忘備物定宿戒物豐禮亦臧知  
我遊子意此際神爲傷豆籩誠婦事亦慰良人望此時  
念嬌女羅拜應成行不識阿婆面翻身叫阿娘

曰余甫生時寤生累母驚兒生母欲死母死兒無生哀

哀母子命相依如影形兒生乳于姆母死兒不知一病  
十月交不死皇天慈生卽負阿母胡爲生此兒

曰余甫五歲母授以毛詩九歲授諸經十三弄文詞出  
有嚴父訓入有母爲師熒熒青燈光照母雙鬢絲畫紙  
課兒字丸熊教兒書兒年愛嬉頑母顧嘗欷歔

蓼蓼園中莪誰知竟爲蒿天天小桃株其實不可殺匪  
材不適用薄躬罪安逃寒松能蔭日芳蘭猶被臯裊裊  
孤睽客永念在劬勞晨昏隔高堂何由親醴醪

限生有窮期百年能幾何安得長貧賤白日悠悠過樵  
牛不逮養菽水嘗蹉跎寒泉猶蔭物逝流無迴波天乎



誰非子人樂何其那人乎誰無親我恨何其多

送岷源赴江南學使幕

幕府徵書大盍簪山輿趣道獨乘籃人倫吾黨歸淵鑒  
天意斯文自朔南趙璧入羸齋沐待楚材用晉網羅貪  
使君愛美知無厭顧我羈愁愈不堪

寄柯雲

膝下歡娛有老萊調琴鼓瑟洵悠哉閒來螺畫雙眉月  
醉後蚊成萬口雷邑吠無傷由見怪冥飛不遠莫鳴哀  
綦巾相守雖貧樂人事區區付酒盃

許三疇先武林歸檝就余話闊因懷江三岷源畱

滯休陽無來信

春朝睡易熟晨曦下墻脚打門聞君來顛倒衣亂著我  
思已瘦人我腸苦愁縛看我顏色異知我語不錯清明  
十日寒歸暫理芒屨聊慰老親思晨昏且歡樂吁嗟數  
年中家園類萍泊半月兩訪君相尋訴蕭索僮辭主人  
出雙鋪扇魚鑰門前桃樹枝花開紅灼灼徘徊立花下  
欲去行復却低頭歸南軒愈使旅懷惡想君六尺馬西  
湖恣遊略因君念總持遠客入蓮幕見面尤無期素鯉  
更誰托騏驎不得志亦復甘羈絡黃山天上頭佳音聽  
乾鵲吳興我所好子與江三若丈夫無私契知己感魂

魄子來且喫粥夢寐尚疑昨

上巳遊峴山弔明霞墓用東坡上巳出遊韻

嵐氣濛濛畱宿雨波光灩灩城南塢九十韶華剩不多  
百花全被東君侮香車絡繹曉風行青雀啣堤日亭午  
柳邊大道避州官耳畔鶯聲互儂汝采采幽蘭紅藥香  
飛飛紫燕黃蜂舞媚煞遊人逸老堂一捻鞋幫織趾苦  
無須拜佛始登山青山自是紅粧主天桃何似臉花嬌  
楊枝欲鬪蠻腰嫵馮家有兒字明霞二十芳春委泥土  
草長紅心淚染成啼鵲夜夜山之圃生前團扇沒人憐  
自小青衣不得所青天無情月有恨由來薄命聰明女

因悲失意抱衾稠仰嘆蘧條不能俯人生有情多損壽

脆質難禁膏火煮湖頭湖水碧琉璃流盡年華石應語

知心相訴只嫦娥可著霓裳下天宇

明霞有詩生長臨清二十年偶憶車

馬過茗川知心惟有嶺頭月夜夜吟風泣杜鵑

愴然憑弔起悲風濤聲百派松

間鼓寄語汀洲秉簡人顏色如花時幾許多買臙脂石  
黛回早趁春晴遊莫阻風流忽憶杜樊川三日水嬉誰  
爲予

寄濬安京邸三首

官橋柳外送行塵祖帳梅邊憶淺春遠近山光開笑靨  
氤氳花氣裊吟身倦飛越鳥歸譙羽相望盧龍少便鱗

不道澈湖杭一葦遙遙消息總無真謂曾守

俯仰吾身一轉蓬頻年心在鹿車中得歸烏鳥頭應白  
嘗歎魴魚尾亦紅日永風熏春社過雲飛星散昔游空  
官齋未似書帷悄酒醒思鄉夢或同

伏櫪龍駒氣未消怒飛鵬翼亦無聊功名鄉里黃金榜  
寤寐家園碧玉簫明主何曾收賈誼行人可爲弔燕昭  
閒時走馬寧臺去煩薦溪毛報寂寥

遊道場山用東坡韻

遲日行人滿山麓嚶嚶鳥啼出幽谷園桃堤柳亦媚人  
那惜蹒跚繭雙足平湖涵影水漫漫青山倒浸白玉盤

仰聽人語在松頂俯看石壁流飛湍城南有閒亦暫出  
且再撩衣向瑤席老僧牽我翠微坐指說疎篁皆手植  
更言禮佛少雲鬟福地清幽是此間湖州三月春遊盛  
畫舫都到泐華山我願讀書來旦旦清福乞僧分一半  
回身不覺妻子累有心無暇歸自歎

席上醉別歌

霜華壓吳苑角聲滿邊徼吳姬猩紅春餅倒烏啼夜闌  
喚秋曉紫絲韁繩鐵驪馬請君牽來看君跨與君匆匆  
忒艸草樓上咚咚鼓聲小金鈿屏風銀燭燒珠簾玳押  
風力高秋娘紫釵玉燕光濃笑近人脂口香玉纖擎杯

嬌向客腰輕倚風纔一尺此景他鄉不易得何苦當筵  
慘離色淞江四腮美多肉太湖蓴芽寒切玉長安小市  
百物有他日思鄉一回首畱君不住勸君酒馬聲嘶入  
閶門柳

蓮花庄

彌洲水淪漪被渚蓮參錯弱湍躍文鱗回岼羅綺閣方  
舟溯澄鮮班坐緬今昨顧反目爲游盼睇極遼廓比戶  
臨水門嬉波擾花鴨言尋松雪居但見城鴉落當時紫  
芙蓉苑彼猶綽綽宿心抱幽期坐愛此城郭從無湫隘  
囂頗有濠梁樂靡年卜吾宅當果此棲托

顯山

溯流情未已距陸興旋發連岫森然羅孤雲出而沒長  
嘯臨碧浪志已無溟渤浮玉逝流浚南峰忽來突周登  
披蒙密陰磴苔路滑峨峨逸老堂翬飛煥新碣皎皎窪  
尊亭朱陽鑑石髮顏公高歌去左相芳風歇時代雖然  
遼精爽疑未歿斯人在天壤何用哀朽骨

夾山漾庚村

寒風驚秋駛中流飄一葉已到夾山漾羅峰媚相接天  
隨野流遠霧向浮岼結間間息在深森森花映雪林樾  
村角來嵯側洩雲凸庚村幾人家林間粲然列捨舟歷

平陸麥秀紛似綴石林訪精舍取徑紆以折緣蘿躡飛  
鳥別薜讀殘碣石際班草坐亂山少分別茲鄉甚宜人  
登頓屢涉閱後期未可知淹戀滯歸樾

短歌戲贈鉄筆梁君

名魯字青啣

奉斯古籀類鳥跡中郎八分尤入神梁君能事十八九  
變化直欲空前人仙人贈我衍波箋墨光潑上如珠圓  
新詩未得成三絕私印苦無陽水鐫梁君手持三寸鐵  
令我新詩顏色別溪藤筠管共隨身題徧湖山在西浙  
從此人傳鄭若齋君耳亦應千日熱

偶集杜句東岷源三首

爲人性癖耽佳句未及前賢更勿疑悵望千秋一灑淚  
李陵蘇武是吾師  
岑家兄弟皆好奇杜陵野客人更嗤豈有文章驚海內  
紅顥酸甜只自知  
晚來幽獨恐傷神詩罷能吟不復聽青眼高歌望吾子  
何人道有少微星

九日同人登顯山

避唐中宗諱爲峴山

二十出門二十日

余以前月二十復來茗

便逢重九客中來青山

似我經秋懶黃菊由他背地開

帶郭好山伴我癯唼魚白鷺避人飛蘋風縐水忽吹面

溪雨過雲不濕衣。

窪尊亭前石色好逸老堂中詩句佳遊人來往說太守  
摩看殘碑半股釵

相知行

相知莫相違。願得長相依。相知共相保。願得長相好。我  
心明月光。君情白日長。日月有信人所見。暫時薄蝕胡  
足傷

耕餘居士詩集卷六

餘姚鄭世元黛參著

門人江

相星左纂

斜風細雨集二

題楊赤雲晴江秋泛小影

誰提鼠鬚三寸筆蘸落晴江半天碧坐君烏篷七尺船  
玉山照秋凝碧煙柔篙短艣泛容與羣雁驚起蘆花渚  
越羅翠薄衫無力日暮秋光寒欲濕石頭風波隔幾尺  
秦蘅香中美人立楊君楊君可奈何展圖我心飛如梭  
飲慧泉

誰分第二水泉甘繙盡瓶羸到畫簷可使吳興無下若

正宜羅解與烏瞻消中病渴今全慰別久思嘗分覺甜  
莫笑老饕堪七碗恍飛幽夢上雙尖

集杜句題桃源圖

出門流水住勝概憶桃源雲氣生虛壁高蘿垂飲猿幽  
花歛滿樹小徑曲通村到此應常宿兒童惠討論

捉船行

客行在西吳喧呼聞捉船云奉憲司票取數須一千烏  
程縣堂曉傳鼓縣官排衙點船戶東船西舫寂不行里  
正如狼吏如虎行人坐守居人困百里官塘斷商賈畧  
師漁父都含愁城南城北水斷流千艘萬櫓城中集葦

岼蘆港風悠悠大船競輸錢差役幸暫免小船無錢只  
一身捉住支吾應供遣自從名隸公家籍日日河頭坐  
白日太倉合米雖飽腹誰爲饗殮顧家室可憐有船何  
處撐天陰箬笠黃毛生

緯夫哀

行行重行行但聞岼上搯搯牽船聲赭衣赤棒亂鞭走  
眼穿不見杭州城途長舟重腰骨折日午未食饑腸鳴  
唇焦口苦呼荷荷眼見性命須臾傾低頭躑躅不敢哭  
但云願死不願生長官莫逞威緯夫敢訴情緯夫不是  
狴犴囚乃是天子版內之良民胡爲性命視如雞犬輕

雞猶棲於埭犬猶得主憐司晨守夜各有候飲啄猶自  
全其天嗟哉爾縶夫果然性命不如雞犬輕日暮忍餓  
仍驅行

清明前一日

客久人情見春江照舊深維舟終歲恨寒食故鄉心野  
祭仍殷陋途窮動越吟眼中親戚好短褐任浮沈

寄韓五詩申其門人戴翼皇赴省試兼附書吳曾

守

先生親愛同張禹弟子才華有戴崇年少講求千載業  
秋來辟易萬人雄閒居念舊疎今雨薄俗交新礪古風

若見與談應感激青衫歌哭阮塗窮

乞友人鈔書戲贈

碧窗拋廢讀書功字字蠅頭小楷工不似黃庭容易寫  
未應祇換一鶩籠

奉酬韓三映碧題先子遺照

平生苦節畏人知圖像淵明素所師乞寫遺容添客淚  
不畱老眼讀君詩



傳心事帶草虛堂費夢思

此意九原聞太息他年還要請題碑

寄陳元之太史二首

翰林華蓋近公子舊聞聲世近憂民瘼誰今達下情陳



風須太史行義必儒生勿僅談文字周南祇紀名  
十年媿同學吾獨戀漁蓑兩鬢已如此故人將若何老  
來成棄物別後剩愁魔爲問南飛鴈何時到澗阿

題張澹菴畫松

踈鱗長鬣老而斑。天矯摩空勢莫攀。日日山頭弄雲霧  
不知風雨在人間。

詩申用前韻見贈復依韻答

白蘋洲上三春住。笑道賓師得自崇。欵徑幸來多蔣詡  
寓居猶喜接楊雄。客愁藉遣消終日。詩句誰如在下風。  
不爲微名蒙屢顧。祇因無似鮮民窮。

賦得渭水棄脂紅

并序

吳興汪氏童子年十歲讀阿房宮賦吟得五字云云  
余嘉其舊人風範矧於髫鬢尤屬天授不辭好事拈  
筆成咏以博同人和言

三十六宮曉千花萬朶嬌。新睂半月暈嬌靨。雨霞潮鶉  
首天宜醉咸陽水亦妖。行人駐馬首泥煞紫游條。

晏起雨窗卽事

嫋嫋鳴禽墮曉簷。泠泠清磬出鄰菴。雨來城外千峰黑  
瀑亂沙頭一水藍。山客採茶驚睡虎。郡人閉戶養春蠶。  
茲鄉古朴饒生事。尤有烏家酒味甘。

東柯雲

驚心時俗盛歌風微意高吟自得中但覺今人能事畢  
何知古我立言同飛騰獨許詩名共變化無端字法工  
耳熱荷君嘗在口聲希身賤笑包蒙

寄送宋魯培表兄之淮幕斷句七首

經卷隨身白衲衣古由拳外望斜暉極知西塞山邊雨  
不共淮南木葉飛  
禿鬚詩人四十強半生贏得有清狂行車漂母祠前去  
乞薦溪毛一炷香

同作羈人路較長四時淮海少歸航布帆掠盡江南岬

便望湖州是故鄉

聽說行期未有期玉蟲銀漏夜遲遲情知不及東門祖  
叉手寒更自咏詩

竹西花氣氤氳裏隋苑年光夢寐餘便借順風勞一問  
舊來明月近何如

破古錦囊嘗在背心肝嘔出少人知斷無前路誇書劍  
恐有當年市上兒

木皮滿載高郵酒四月鱒魚未過頭漿醬清糟好收貯  
多分幾甕鄭瓜州

乙酉三月十四日

皇帝於蘇州行宮 御試詩拔五十人供奉內廷蘆村  
與焉不日被 命入都期迫有感遠別爰寄此  
詩

翠華南幸駐吳郊 御試憑軒慶拔茅詢闢舊惟傳舜  
典彙征今果協義爰愁縈京國知難並貧恐家鄉未易  
拋身到九霄多雨露題詩無用感蠨蛸

又戲贈宋二表兄二首

苦憶高唐臣玉釵新詩句句出人頭無緣得共襄王夢  
帶得雌風過潤州時從秣陵還

從來神女憐才俊暮雨朝雲到處施自向高唐一相見

那知宋玉是于思叶

有懷集杜句

伊昔黃花酒狂遺白接離清談見滋味烏几伴棲遲不  
見李生久多慚鮑叔知別來頻甲子排悶強裁詩

夜雨集杜

細雨夜復密危樓望北辰皇天無老眼儒術豈謀身疎  
樹寒雲色山盃竹葉春燈花何太喜念此別驚神

不寐又集

客睡何曾著愁連吹笛生病身虛俊味旅食豈才名釀  
棄樽無綠樓高月迴明徒勞望牛斗心跡喜雙清

暮雨出湖州南門

南山嵐吐暗騰騰冷翠虛空閣幾層城郭陰陰畱雉堞  
河梁淼淼盡魚鱗黃梅雨泛雲都黥紅蓼名灘風翻水有  
稜三老歌聲齊著力明窗已上數枝燈

周二柯雲過訪草堂

野水荒荒滿河白薄暮柴門斷行客低篷短屐忽然過  
意外欣逢手加額據牀便脫頭上冠指索長瓶潤喉液  
銅荷承蠟照辛盤白小嫩隅鱠鮮鯽無端不速成三人  
竹葉盃濃色浮珀醉酣如意爲君舞令我憂心慰今夕  
念君負痾去年冬乾死窮村有誰惜老妻嬌子遶前啼

銷鑠精魂剩虛魄艱難萬事愁藥裹盡室驚惶少人色  
今年得見上元時頭髮微黃面皴黑雖然病瘥苦衰憊  
渴隴見酒那能弊杭州八月秋潮大夜半空江飛霹靂  
願君一釣連六鰲喜君精神倍疇昔吾徒意氣何飛騰  
得梟旋叫在一擲我暫南溟六月息遲我三年振豐翮  
盛朝才士不終棄暢倒壺尊灌胸膈

柯雲到舍蘆村弟亦自吳門來

吾歸知亦暫相聚各欣然老病狂應減悲歡跡屢遷吳  
簫猶乞食姜被隔經年只合騰騰醉天涯卽眼前

夜泊同蘆村

潏潏平河合。維舟柳樹根。板橋全沒柱。茅屋自成村。酒  
貫清宵渴。燈懸積雨昏。幾時貪聚首。旅次總無論。

同柯雲蘆村雨中過訪查德尹太史

柳堤梅水滿河渾。夏木千章綠暗村。李郭暫時舟竝入。  
機雲當日世重論。山容黯黯啼粧掩。廳事蕭蕭古制存。  
聞道陳詩須太史。揚州騎鶴被新恩。

時奉命揚州纂詩

夜持火自六里堰至澉浦時梅水初泛堤沒於河

一路泥濘不可行。匍匐始達勞悴至憊。

明燈出荒堰。纜沒堤上樹。薄雲翳纖月。磳确得微路。長  
年以火燭。偏側跼吾步。動足俱坎窞。跋踈戒失誤。渾河

亂流白。隕岍危石護。戰兢切冰淵。偃僕恐顛仆。危如下  
峻坂。號若登墟墓。草深亂蛇虺。泥淖上袍袴。六里康莊  
衢。倏忽險可怖。巒勢藐經亘。四出莽回互。森若奇鬼立。  
搏人赫而怒。陰暝詎可測。疑有虎豹聚。茲游良是奇。性  
命棄如唾。猶恨戒心勝。流目少旁顧。默念何不達。人生  
本可懼。

乘夜入澉浦過吳大曾守讀書處

念子不能宿。乘夜來相尋。西堰六里路。觸險同崎嶇。到  
門漏初半。人語驚棲禽。齋堂爨烟冷。佛光火沉沉。呼水  
洗雙脚。沾污連衣襟。道士亦驚起。怪客何方臨。弟子頗

知禮急漑釜與鬻燒茶做羹黍殷然覺情欽坐定力始  
疲饑腸作雷吟飯罷相顧嘆意外愜我心會面安可期  
別時歲月深殘燈話寧了月落愁抱衾

袁花鎮

小鎮知湫隘袁花卽此間幾時傳四姓遺跡冒龍山邏  
卒巡鹽過漁童晒麥還王猷今夜棹乘興泊前灣

同蘆村過查恒宏公子宅不值

迴與塵埃絕悠然水竹居槐堂仍古朴蓬徑未芟除雅  
致殊堪挹交情悔向疎寂寥春草句歸榜賦相於

過柯雲宅

荒村不成路水積泥沒髀寧辭跋涉艱故人意難捨脩  
竹圍清池結廬頗瀟灑是時梅雨後新綠墮簷瓦何知  
塵市喧曠懷見平野對客忘衣冠乘興便杯斝嗟哉一  
洪鑪斯人盡陶冶惟君全於天結交不少假獨向予弟  
兄素心許傾寫人貴賢者賞安問悠悠者

爲蘆村投竹垞翁

閒居不是厭承明垂老西垞竹木成彩筆竝尊周柱史  
布衣蚤重魯諸生迢迢帶水登龍晚冉冉闌風放鷁輕  
幸忝槐堂分半席可能芸館借微名

別蘆邨赴湖州二首

南風忽吹我離思動紛紛野雀羣爭粒江鴻怨失羣陸  
雲應少笑賈誼枉能文後夜烏程酒柔腸未易醺  
別汝愁今日悲親念故林江風游子恨隴樹百年心何  
計營窳窳懷歸泣釜鬻范舟寧可得相顧淚沾襟

過鐵佛寺伴箕上人山房

坐對蕉陰翠欲翻此間好滌十年煩垂天倦翼飛難去  
初地勞身許暫言蒼荀有香君可臭木樨無語客休喧  
相看不得相收拾慚愧吾儒淡泊門

時予爲俗所毀將歸詩申用前韻見示和答一首  
山窗靜看雨雲翻聒聒蛙聲入耳煩邑吠由來驚所怪

池殃連類更奚言兩端安國何嘗執一往台州不耐喧  
此別憶君寧可忘履聲遙聽便迎門

苦蚊和仲曦韻

吳興厭久客酷熱流朱陽旅懷况當暑惡意紛毫芒只  
此蚊蚋微肆虐難爲防晝長神苦疲尸寢那得僵凡物  
有驅理是物艱其方疇堪耐蒸鬱還受利口銜吾聞八  
區中營營相披猖

昌黎詩蠅蚊滿八區

聒耳已可憎噬膚尤難當

不慎遭其喙癢若頭有創焉得長指爪夜深降仙粧思  
借巨靈掌願現千手揚晝坐若芒背夜讀廢壁光幸爾  
雖善刺日出終畏暘平生志口腹充爾之肺腸自今勿

雷聚予手毒不良行當拍之盡快哉清虛場

東仲曦映碧

茗上相依已二年故交回首總茫然潮州文彩原同調  
懷縣風流亦可憐往歲宦游雙鬢在感時師說寸心懸  
是非漫向塵埃問公道猶持念昔賢

和友人閨詞四首

相思結子打紅絨卍字玲瓏曲曲通掛向象牙牀四角  
同心方勝在當中

戴頭春勝臂纏絲自小生來愛好癡窄窄繡裙排八幅  
問郎端正看腰肢

生成嬌性慣兒家自畫雙蛾自插花自寫毛詩抽遍讀  
只將難字要郎查  
井梧簾押晝陰涼姊姊姨姨妹妹行倦起繡帷銀蒜響  
豆花棚下捉迷藏

題騎射圖

從奴鞦韆銀馱隄手弓腰箭黃皮衣天寒草深兔帶鏃  
少年磬縱如鴉飛

同潘二仲曦過訪韓希一昆季坐德未暮齋值雨

六首

谷口頻相歎○河陽許見偕正當消夏日來坐爾書齋啜



茗時時有吟詩箇箇佳。諸昆才地峻過從只吾儕。

淦淦山雲黑陰濃雨四垂幽巖寒翠幕急水漫清池樹

颺鳴蟬靜花欹過蝶遲兒童驚忽報街市亂鼃蚬

皇天殊有意畱我縱清談消渴茶瓜爽嘗新粬糗甘捲

簾看水勢環郭帶山嵐頗覺嵇康健論文尚一堪

喬木先人澤芳蘭王者花拂衣懷謝傅求仲先生及第後家居講學不

復起永日愛陶家手種三槐樹風清兩部蛙子蘧先生終隱不出萍

蓬吾有感遺宅蔓青瓜

心迹忘城府談言絕啞町客情貪久話世事厭常醒坐

感秦川水時希一在清溪喧呼漢井星平生憎俗物到此澣餘

醒

未試梨花舞仲曦善言從桂樹招向來何水部誰道霍

驃姚衰颯猶神王狂歌屢見邀始驚馬服後不愧鳳臺

簫仲曦子蘧先生婿湖協鎮公之子

詩申讀書鐵佛山房時過納涼

頻過雨後屐來坐樹邊屏異縣貪遊賞窮塗任是非竹

涼生梵鼓苔潤上書帷避暑君齋好陽鳥自滅威

夏日移館

酷熱將為毒微軀祇自嗟旅懷憑綠蟻落景亂青蛙山

鬼形堪憎州人語互譁熟知安冷淡無過爾東家

可畏行

瞿塘蜀山眼前是呂梁懸流起平地人生動足竟如此  
十日閉門我心悸天險不是險地險知所避惟有斯人  
之險不可測瞿塘呂梁胡足比涼風忽來開我襟山自  
高兮水自深區區何用爲機心

老牛嘆

田家老牛使我傷兩耳枯燥肉有瘍年多生子苦無用  
歲久有病中有黃犂田車水骨骼瘁日暮自放城南岡  
形軀雖大不執鼠徒飽芻束煩兒郎東鄰老翁顧而嘆  
今何臃腫前何强大車已乏乘載力被繡不足登牲房

賣之僅穀千青蚨奚不作脯爲羹湯長繩牽鼻拽牛去  
鞭之淚眼流汪汪向來牴牾每自逞肥胡大武意氣揚  
頗驚頭角能出俗觸籓不道同羝羊如今孤豚不可得  
安望遠比追風驥老牛歸家自知死惟有舐犢情難忘  
晚同蘆村過梅里有舟相隨不失篙師疑爲盜是  
夜竟不得歸泊宣家橋

長虹刷天紫雙硤墮烟暝森森梅花村明月放孤艇歸  
心觸驚急暮途颯溟溟鴉鳴古廟巔霧結荒蘆頂尋役  
昧兼山韜知愧尚褻何來萑苻客旁舟制長挺尾啣如  
貫魚使我心鼎鼎弱年久淪躓短衣不掩脛故物惟青

羶探囊止修艇負汝抱虛願勞而走而挺偵疑新絲賣  
儒非賈人等象齒嘗焚身虎尾履可慄無財使累身濁  
醅酣自飲趨避理有然聞戒端自審亮乏古純孳疇能  
恕桑甚倘顧慙無遺新詩可豪吟宿露聊牽船鳴蟲時  
在枕愁與前途遼日邈里門迴處坦隨所遭窮力何悻  
悻荒雞奄忽曙蕭晨轉忘醒

短歌行贈潘二仲曦韓二自爲

忽聞門外澎湃江潮之聲來怪呼童子起出視乃是潘  
韓二妙過令我赤脚下牀狂失屣入門倒峽詞源流其  
勢直欲吞湖州塵胸垢面十年滌憔悴肯許餘波收朱  
光裂地日杲杲蠅蚊成雷徹蒼昊君來十丈煩蒸消耳  
畔唧嚶淨如掃願君寬坐且勿去積歲深裘藉傾倒昌  
黎公黃門子吁嗟乎公後斯文代興起世有名人竟如  
此儀鳳橋南雞塞西日日狂歌從此始

重偕仲曦德未暮齋四首

鳳橋重問路雞塞只尋翁好事知無厭論詩許復同藤  
梢不礙入桐樹正當空茗椀何辭數頻來怪小僮

與言無別可能事更誰俱慚愧波瀾老平生質地愚韓  
陵真足語潘縣願前驅識者何由見傾心到賤夫

傍宅經方始蕭然水竹窩空亭寒得樹荒路折隨河頗

有濠梁意聊爲郢里歌興來行復坐百遍欲相過

書芸抽鄴架苔翠上匡牀風起雲衣碎荷翻雨幔香神

駒須伯樂雛鳳見冬郎

映碧郎君善屬  
文命出拜余

人地俱清絕歸

心竟永忘

奉和坐德未暮齋韓三映碧值雨枉贈新句

緣徑藤梢覆屋茨坐深喬木故家思三年瀕死存吾舌

百事能先怯子詩側聽寒泉流感沸顧瞻周道獨倭遲

謝公門闕多賢俊驚見鸞雛又一時

過仲曦齋用前韻

荒疎庭宇亂茅茨長日書齋有所思足下已無餘子數

眼中得見古人詩炎天風雨嘗相共異地舟航數到遲  
遺事吳興說流寓與君他日幸同時

中秋後四日月下同蘆村坐顧十八搢玉孿廉十

硯齋用東坡次裴惟甫韻東懷柯雲岷源

不歸吾意懶如秋便坐君齋替入舟同學後先持桂斧  
此來憔悴有瓜州城飄鴉點聲寒寂河沒蟾光影澹甌  
徙倚小山沉永漏乘槎相望幾人遊

題合澗橋酒家壁二首

落拓吾生寄酒家畫裙歌扇是生涯道傍楊柳櫻桃艷  
看遍無如第一花

萼絲芽筍鬪纖纖。內府新傳法製嚴。聽得燭邊銀釧響。  
約羅親手點紅鹽。

靈隱山房紅於閣晚坐

僧閣敲鐘落景微。飛來翠色滿空飛。埜花霜葉隨時變。  
村店山橋有夢歸。落魄酒徒仍白眼。龐眉禪子妙玄機。  
百壺清醕牀頭足。猶擬回龍橋名踏月輝。

紅於閣夜坐有懷

衆山渺無際。斜月光輝輝。鐘沉閣雲杳。秋思生羅衣。對  
面蓮花峰。冷翠盤空飛。山色終古妙。榮名一何微。我心  
自然遠。陶琴安用揮。

登炭光同柯雲岷源搢玉蘆村

屋頂江光一線橫。山頭松樹亂濤鳴。諸天石筍浮霞起。

石筍峰在中天。幾地金蓮貼水生。有金蓮池。憶昔還丹終幻

影。上有純陽祠。同來飛雨軒名共題名。芒屨且踏層雲下。

畱與詩篇白傅爭。

同柯雲過中天竺宿旅亭上人山房用香山翁山

虔州天竺寺韻二首

夕陽扶醉寺橋門。纔到中天境便分。不斷澗泉晴聽雨。  
盤空石壁暮生雲。朋歡舊話翻新恨。人事前非每後聞。  
何日與師追白社。一枝藤竹共紛紛。

信宿禪房來借榻支離野性自成家秋晴杖履隨雲鶴  
日晚湖山走電蛇旅跡無憑身一葉衰顏有感鬢雙花  
鴻篇寂寞何人繼醉墨飄瀟任我斜

合澗橋酒家同柯雲旅師

橋下溪聲是廣長酒樓心事各茫茫相看只有飛來石  
一片寒空照舊蒼

贈江三岷源鄉薦二十韻

使者徵經術。朝廷簡宿儒。異才原曠代。壯歲起泥塗。國  
典賢書重。家聲綵筆俱。乘時珍就聘。條策論嘗盱。續綆  
周南史。穿楊金僕姑。挽強洞七札。餘勇賈千夫。體僞傷

流極瀾狂孰障扶。彈冠真有慶。見獵反增吁。鳳沼應虛  
左龍門已獨趨。匹堪惟楚晉。名恥後王盧。賤子無他技  
斯文或不誣。端居嗟讀禮。失路懶工筭。尋尺從先進。精  
神失大巫。尚須完獺髓。所得有驪珠。盤錯安吾素。孤危  
任世迂。不煩人論定。安計鬼挪揄。龍劍由來合。荆瑜且  
待沽。羨君逢伯樂。何日問風胡。狼籍曾三黜。飄零此一  
隅。同然龜手藥。欣慕用平吳。

畊餘居士詩集卷七

餘姚鄭世元黛參著

門人江相星左纂

斜風細雨集三

秋日顧十八搢玉招同周柯雲江岷源吳寶崖蘆  
村弟宴集賦贈二十韻

年少今詞伯風流舊謝家虎頭聲烜赫驄馬地清華臺

柏雲霄迴

尊公侍御  
且菴先生

庭槐雨露奢孝廉名有義公子爾

何加款客忘梳櫛開畦列棗瓜見知同北海不飲富流  
霞夕聽靈虬箭秋停小鹿車一時叨地主數子各天涯  
傾倒傳三雅飛騰鬪八叉向來凋謝意相對醉狂賒淚

燭條頻續拳鉤語互譁或爲如意舞直到玉盤斜高會  
容披豁歡情極癢爬感深寧酪酏興盡轉咨嗟過耳聞  
江雁驚心問桂花浮生多坎窞旅食困卑汗四海飄蓬  
恨三年短褐遮祇能全貢禹竊欲覓侯芭他日游芳艸  
春風躍紫駟定知折楊柳應復憶蒹葭

登飛來峰

借問來何處山靈喚不應想從靈鷲遠飛竝浙潮騰落  
日浮金盃寒泉掛玉繩下方青一片耳畔過蒼蠅

登岷光

羈意坐不去蕭辰暇便尋盤空山袞袞當午日陰陰海

水看堙木天河挽滌襟道人歸暝色虎跡滿空林

送吳大曾守時就省試以病還澈浦

歛然抱病去此別異常時消息何從問艱難各自知泥  
金虛婦卜擢桂看人悲垂翼傷弓鳥思君不展睂

岷源寓齋同馮山公周柯雲顧搢玉蘆村集

堂上銅盤樺燭紅嚴城霜鼓夜逢逢星辰忽合春盃底  
江海同流綵筆中萬事烏頭終有日羣公駿足去追風  
三秋桂子天香滿閒在山頭訪葛洪

贈家義門兄

躍靈促急節十祀當睽離芳風蔭時哲德產非凡姿心



愛切遐謂念釋恒在茲時方盛淫哇嘽緩靡言辭愚者  
苦滯懣職爲智者悲太羹有遺味明酒曷用醜聲音本  
于性百爾胡忘之獨君狂湍中不與波流隨敷言迴羣  
彥希聲鮮人知橫流賴志士持柄須乘時貧賤而與叩  
氣力難爲移矧如晨星疎違棄天一涯雪春余羈迹娥  
江君方思何當交合并一鼓朱絃絲茫茫堪與中舍子  
其侯誰覲止願銜協守道各勿遺志合猶同方何嗟別  
難爲

寶崖過訪不值畱札去

蠟屐徐吟過衣失欵迎歸來多悵望彷彿想平生暮

色幽花朵秋心短髮莖寒篳對愁坐書尾看題名

義門過山房不值

每隨雲雀去多失友朋來怕與愁相伴因常出不邇荀  
香空滿座杜酒獨持杯重肯山扉欵清談竟日陪

九日紅於閣

數了秋天節那知猶不歸羈心黃葉積旅夢白雲飛世  
上悲歡異山中去住非菊花殊自得爛熳向巖扉

山中有懷曾守

秋江鴻雁亦何由野水蒹葭也自愁人面別來多冷淡  
客身無爲尚勾畱支離眠食今何似銷鑠精神近復不

顧我年年類行脚念君日日坐垂頭

許三疇先四十初度集杜贈

才大今詩伯於今四十年驂騑入窮巷鷓鴣在秋天盤  
錯神明懼菁華歲月遷如何久磨礪白髮竟誰憐

飲疇先宅集杜句

醉裏從爲客歡娛到薄躬追隨不覺晚飲啄幾回同坐  
接春盃氣昏歸畫角終賤夫美一睡此日意無窮

過盛澤家大兄宅席間同海寧周二柯雲吳江潘

二禧引

扶慵知不惜客至欵荆扉白酒需寬膈黃花報授衣持

螯吾願畢刻鵠十年非數子飄零在嗟余氣力微

小市陶朱里經過老興移杖錢能醉客詩草懶呼兒樂  
事驕人數頽頽任酒爲盤餐見真率稚子亦相隨

過盛澤西蕩

船人迷所向意外得波濤森森汀莎白荒荒埜日高魚  
龍知偃臥湖海發清豪歷涉時冰履真慚舊隱陶

酬友人惠筆

蒙君惠班管筆札懶文園畫字手新戰鈔書眼近昏聾  
公惟乞粥翟尉或題門二者猶須汝名山事莫論

送潘睿思應

詔入都十二韻

盛朝多吉士文采炫諸公不用煩揚意猶欣共鄭崇

舍弟

同榜并同赴京

帝心原簡在

接駕時命其候試

天語煥昭融穀旦

仙舟發清宵祖席同盃浮春螳碧花散彩毫紅好去趨

金馬相畱暗玉蟲校書天祿上待 詔日華東振翮扶

搖路娛親矍鑠翁奮飛猶綠鬢浣濯出丹衷別遠慚無

驢交歡定有終萍蓬嗟各各桑梓惜匆匆日下長安近

觚稜一望中

送舍弟蘆村應

詔入都十二韻

詔許遊京邑名榮榜國門此行人盡望吾黨誼須敦爽

葉中銷落羣芳紕討論詔選四朝詩詩餘及修羣芳譜匪躬宜盡瘁鞅

掌莫辭喧忠孝生成分文章顯晦存百年逢世治八日

總君恩寄跡梅生市思家謝氏昆履穿頻道路褐短

任乾坤幸爾珠成唾從茲玉出崑舊來饒笑疾別去動

吟魂努力登台袞陳情達 至尊 堯湯多聖德不棄

瞽工言

過訪吳元復集杜句贈

已撥形骸累低頭著小冠名賢慎出處吾道屬艱難秋

水清無底明霞高可餐微生霑忌刻安敢尚盤桓

蘇州姜大肩吾畱酌酒間撫今感舊題三十三韻

思君常悠悠見君反惻惻一別忽三載邈若南與北同

心念乖離握手胡可得往時歡笑場何從問消息引領  
思奮飛苦無晨風翼三違廣陵濤兩暑防風國中傷罹  
家艱天乎曷有極惟有涕交頤可憐面深墨餘生不得  
死重來訴胸臆妻兒苦饑寒交謫屢相逼東西日奔馳  
終歲仍艱食雖有好親戚何能救饑色鴻鵠有遠志多  
爲稻梁亟冥飛向何所衝天苦無力不如黃雀微常飽  
主人德食黍無所求毛羽猶自飾生遭詩書厄路苦荆  
棘塞陽九丁數奇所恨歎子職羨君高堂親康哉未匍  
匍學戲爲嬰兒力養躬黍稷從來忠孝門素行人所式  
看君有至樂令我心孔棘相別纔幾時殊路異豐嗇庭  
燎光熒熒盈觴屢側側多蒙古人歡紛吾往情憶日月  
旣云邁悲歡亦多忒那能爲君飲鄙情諒我識復感故  
意長欲去情自抑別易會更難忍淚不敢拭君方上書  
歸面目亦黧黑河水有時凝山石有時泐茫茫人間事  
吾生詎能測貧賤曷用憂行矣重唧唧

白杜鵑花

看花滿眼忽浪浪似此鵑花易斷腸五夜歸心金狄箭  
三年泣血縞麻裳由來崔崔猩猩異不逐鶯鶯燕燕忙  
月下如啼復如訴故鄉愁絕雪衣娘

舟過丹陽大風雪

舟子侵星理徑艖打鼓津亭催捩舵開頭北風大作威  
到面雪花亂如簸盤空鵝鶴飛滿天細斫玉龍鱗甲剝  
已見輕鹽漸漸堆真如碎米紛紛磨三老殼縮蝟毛磔  
荷笠穿蓑愁箇箇來牛去馬不相問古邑荒烟突然過  
丹樓縹緲仙踪迷鐵瓮蒼茫寒色破出門十日歸未得  
占歲三白行且賀霏霏鋸屑清談生擊碎滿壺珠玉唾  
樵風老子無他爲布被蒙頭只僵臥雖然年侵凍餒逼  
未覺興衰筋力惰起把長生白木瓢醉喚主人傾白墮

舟中贈吳勗初

今之相者惟舉肥修綆不續誰汲古一見吳郎好學人  
餘子紛紛胡足數筆力銳掃千人鋒文心勇敢萬夫武  
熟精文選同杜陵妙擅歌行登樂府扁舟篋笥滿卷軸  
雙眼不辭昏且讀書誦合我忘饑疲夜吟煩我費燈燭  
羨君已登作者堂決籓跋扈聲飛揚韞之山谷吐靈氣  
獻之廊廟生輝光憶昨翠華來吳中朱鳥高閃閭門風  
天子臨軒親校材同時五十俱英雄就中辟易不可當  
健筆孰與吳郎同龍山學士傳引見御書賜出蓬萊宮  
青衫竟入鵷鷺序少年白面如花紅相如受知漢武帝  
甯戚一舉齊桓公人生有才終見賞豈使驂騮在窮巷  
秋風羊角雖暫戢火色鳶肩必騰上只今赴召來宣室

珥筆彤廷一朝入吾徒不朽在文字富貴何須炫鄉邑  
鐵甕城高鼓聲曙離思蒼茫滿雲樹轉覺新歡別奈何  
須知同調吾所慕諸公輦下共彈冠我有幽懷何處吐

北行舟中贈吳子山二首

同君被褐在埃塵送客廻舟繫水濱大觀江山淹夢寐  
廣陵風月出精神鼉吟駭共雲濤夜鯨飲狂偕雨雪辰

二陸一時都入洛

時送勗初  
蘆村入都

不輕隱見羨天民

無媒仕路更何辭不朽名山可共期人道姓名吾耳重  
君看古昔孰肩仔南風雅樂能傾賞明月清宵屢見攜  
癖性嗜痴寧有此愛心忘醜竟如斯

重過廣陵有感

古道寒蕪一片昏酒帘遮處小東門羸僮瘦馬新生活  
綠樹紅橋舊夢魂北雪連江埋地軸大河吹浪撼城根  
揚州亦覺風流減白帽重來有淚痕

飲間與張小顛感舊

北魚南雁兩茫茫一別三年過電光白土捲砂風日惡  
故人見面鬢毛蒼山盃竹葉寒仍把野畚瓜藤夢未忘  
素壁起看詩句在紗籠枯墨尚成行

古意二首

泰山高巍巍黃河流沔沔我有一寸心中傷知者鮮秦

山未爲高黃河水應淺將以持告君相期互黽勉  
亭亭梧桐樹莘莘還萋萋美材人不知鳳鳥爲巢棲哲  
匠偶相顧琴瑟供當依翺翔望千仞今此將安歸

十月三日夜敬和大兄過草堂有作

茅屋驚春小。霜花入夜侵。地偏容我足。天敘發童心。風  
木餘生痛。鴿原相望深。別來華客鬢。見慰豁愁襟。婦嘆  
恒饑色。朋疎空好音。孤燈寒自語。殘杵斷難尋。夢想違  
風雨。悲歡共枕衾。感餘知聚樂。別易付長吟。犬警籬門  
薄。鴉翻漏鼓沉。尺書須好寄。幽獨抱欽欽。

送岷源二首

攜手城東門。問君將何之。君言適遠道。駕言游京師。京  
師亦不遠。但當歲寒時。易水風蕭蕭。羶車日纍纍。征途  
雨雪盛。代馬鳴聲悲。雞號戒行李。僕御備晨炊。侵星問  
前路。畢景方授綏。冬寒易中人。飲食慎所宜。念子正行  
役。日月忽已移。富貴固自有。我嗟在別離。別離亦不嘆。  
惟子我所私。抱此區區心。煩寃將爲誰。

華燈熒熒光。照徹青綺樓。思君不能寐。竟篔簹。叠衾裯。昨  
日良宴會。明月當我頭。灼灼黃金觥。皎皎綠玉浮。鼓瑟  
偕笑樂。承筐結綢繆。詎知膠與漆。忽爲參與昴。諸生叔  
孫薦相如。如狗監收君。今射策去青絲。紫驂驪頭上。黑貂

冠身上狐白裘娥娥燕趙女灑灑流星眸功名人所羨  
期君在千秋握中夜光珠竊願慎所投

揚州贈姚二秀才

姚生亦是吾州豪溫其如玉醇如醪見俗若浼少所假  
與時無競何其高文章衆譽有兼美廉靜自安貞獨撿  
三年失意江北坐五夜飽聽瓜州濤面垢頭脂足雙繭  
耳聾舌敝心徒勞富貴吾生實蝸角鄉園愁緒紛牛毛  
念子嘗悲遠飄泊旅人那免先號咷吁嗟雕蟲技誠小  
壯夫不爲嗤我曹仲宣猶然困江表樂天尚爾哀青袍  
如龍之驥苦維繫乾螢老蠹同囚牢何如田翁守鄉里

莫笑翟賈權龜刀須知癡腹日飽飯絕勝埋首時搖毫  
看我行藏更醜拙對君心事翻煎熬記別十年幾回見  
見時急別如逋逃那知半月廣陵聚天遣意外來吳舫  
燈照寒廳接軟語把盃浮白手擘螯每談舊迹一回首  
藐若風影難尋撈當時曾作揚州客軟裘快馬青絲條  
板渚雷塘日一往春花秋月吟千遭久拚高興少人敵  
只覺離思轟抽繯篋滿新詩不堪讀中盡怨語能追騷  
雲咸玉瑄絕更迭叢薄黃耳喧爭嗥邇來苔雪又二祀  
中間風木心焚膏惟將眼淚洗面孔兼有氣病連雕尻  
西郊馬隊非講習中市魚肆熏腥臊思家不無鄧攸感



指園幸濟周郎厥平生好友半通顯獨我與汝猶蓬蒿  
晨星落落暮雲散坐令腸縛宵絞絢秋天鷹隼垂兩翼  
凡馬駑駘共一槽有才不用歎無命與君相對且醅醕  
成三丈表叔初度日有贈

惟翁吾自出宅相見才賢瓜葛敦先世桑蓬志壯年浮  
家淮海市得意祖生鞭困粟周郎問綈袍范叔憐惠人  
鄉曲譽好客驛郵聯寶善應昌後生才果軼前國香蘭  
茁茂家彩鳳毛傳往者畱丘席今茲訪戴船未行叨欸  
洽癖性苦拘牽海氣初蒸霧河聲遠上天浪游殊草草  
歸夢竟懸懸久滯同賓雁來歌介壽筵坐盈珠履錯舞

看綵衣鮮終宴神逾王緣貧禮不全幾回懷夙昔兩載  
荷周旋

觀打魚

三春水漲桃花渠漁人截流來捕魚河流旣駛激且怒  
魚依在藻不自如大魚有力漏網去小魚無命全斯須  
太湖老漁貪且嗔赫怒直批蛟龍鱗魚長不滿尺不市  
轉之清波小魚生翻風破浪挺又入鮫人下泣河伯驚  
寒濤拍拍飛菰蒲其意欲得鯨鯢屠老漁用意亦良厚  
嗚呼吞舟漏網將如何

觀射鳥者

黃雀翩翩飛于人亦何忤晝游茂樹方在林夕調酸鹹  
已登俎我哀微命真無辜跼躅高天一何苦瘦肉不堪  
薦君七微軀不足當君弩君不見東山鴟鴞鳥君不見  
泰山食人虎毀巢取子欺其羣風毛雨血徒紛紛日食  
衆肉肥其身夜飛晝伏不見人虎爲人害食人肉小兒  
驚慌老婦哭我民日夜忘那居安得殺之清海隅

河夫

朝開河暮開河河夫開河車河水河長水闊那得那朝  
開一尺深暮開一丈多一尺莫嫌少一丈毋鞭呵三時  
濡體復塗足嗟哉民力有幾何天寒泥凍皮綻肉兩脛

無毛手皸瘃五更往役霜滿衣日暮不歸妻啼饑河夫  
河夫爾誠苦督工官人不須怒官作有程限河夫豈敢  
誤縣官催租租已足准待明年糧艘度丹陽雪花飛滿  
城官人白馬狐裘輕官人衣裘不知寒可憐河夫衣服  
單要知急公本是爾儕小人分凍死河頭不須恨

車中人

車驅之車驅之我僕已駕車載脂主人爲黍客飽飯五  
更出門雞鳴埒城頭統統海日起山石礚礚車行遲昨  
日乘舟何快樂今日車中意殊惡驢鳴馬嘶填巷陌但  
見塵埃滿頭脊來商去賈各有爲大笑書生爾何益北

風箭急眸子酸。多年敝裘不禦寒。脛毛蝟縮肉龜兆。辛苦空嗟行路難。終朝奔走不得飽。鄉里怪罵僮僕惱。人生讀書徒自苦。文章雖工。人不要莫嗔。此曹未爲愚。取倍稱息。臨交衢。腰纏何用識一字。還家乘傳誇妻孥。豈如東門急急喪家狗。常是驅車在道塗。

復赴茗上有作

菰城別如夢。掛席復來探。遠水涵虛白。晴山放蔚藍。驅馳儒術賤。勞苦客愁諳。米價今冬貴。悲歌付一酣。

寓秋樹山房有贈戴翼皇用前韻

時翼皇選西科時文

八股今文體。三冬此集探。憑欄山湧翠。出郭水拖藍。清

遠吾殊戀。精微子已諳。夜來呵凍閱。庭雪戰風酣。

秋樹山房同翼皇遲詩申不至

歲暮依前約。囊羞照舊空。坐偕青眼客。對話紫髯翁。雪意重雲裏。山光一室中。無聊且斟酌。看取醉顏紅。

登韓子遷先生兼山閣有懷示令嗣希一映碧

振衣登傑閣。懷古在茲州。不見先生柳。空遺處士裘。湖山唯一氣。身世迴千憂。騎馬來何暮。衣冠望欲愁。

贈韓丈三首

有序

韓丈宋雅茗之靜者也。窮老於詩。其姪詩申嗜古多學。余所深契。間向余述不釋口。余固信君家阿咸。雖

未覩所著久焉心覲今携其新篇來示吟誦之暇四  
壁琅琅留金石聲殘歲事促闕爲面談然正不必見  
其人卽其詩可知矣詩申請余留韻道意亦見予之  
傾倒於詩申至矣

留夷有清味幽蘭無媚香願言見之子室邇道阻長日  
月逝奄忽貧窶累我忙安得浣萬慮奮飛從君旁  
從君固所願心知寧在茲神明苟相接千古猶一時何  
用親言笑始覺情味怡新詩在吾口寤寐如見之  
見之猶良覲穆然如清風幽微感人意憂心忽忡忡大  
雅良久歇古歡誰與同人言詎輕信之子契我衷

詩申以葬事別去心旣賢韓而有觸余痛感而成

詩復用前韻

大事真能舉生男洵不空冬烝愁客子旅櫬痛吾翁松  
柏樵歌外鄉園淚眼中永言思在則相對燭流紅

八月余旣去湖州潘二仲曦病中有詩見懷歲暮  
復來始得讀奉答來韻

忽忽湖州客清癯近若何酒腸能作病詩胆足驅魔別  
後無書寄秋深得句多歲寒思握手加飯念君疴

秋樹山房留別翼皇

舊住蘋洲日憶歸二旬秋樹別依依漫村白雨飛漁艇

繞郭青山挽客衣。歲暮親知相望久。古來儒術不謀饑。  
少年文譽如君少。樂友師賢更所稀。

茗歸舟中同疇先

醉別菰城暮。歸心夜雨懸。敝冠貂欲盡。殘簡蠹將穿。字  
宙原非窄。文章不浪傳。靈珠吾自握。璞玉世誰憐。歲晚  
仍羈旅。時艱獨播遷。農春聽斷續。吏課急催煎。楓岍株  
株火。山村縷縷烟。十霜萍泛梗。一水箬爲船。稅苦詩書  
薄。愁深日月延。害苗多螟螣。爲褐想豨豨。官驛傳秋杓。  
潘毛雙鬢改。溫手八叉便。往事頻回首。清  
才幸比肩。雪茗衣帶下。燈火筆毫邊。履困簪稜重。隨行

齒序先衆人。容汎愛餘子。懶周旋。下箸忘憂好。前溪舊  
曲。且憑樽。蟻溢毋問蠟珠偏。每到雖懸榻。何求可執  
鞭。淹畱憎地主。多費杖頭錢。



